

Benny Nisbet (PPA):

PPA kier muestra algun informacion reciente den Prensa Internacional y riba Internet “BIG WIND: THE MOST CORRUPT AND CORRUPTING INDUSTRY IN THE WORLD !!”

ORANJESTAD - Esun cu kere cu awor cu 12 miembro di parlamento a vota PRO e DRAMA na URIRAMA 2 miembro di parlamento a abstene di vota despues di e Manifestacion exitoso contra e DRAMA na URIRAMA y 7 miembro a vota CONTRA esaki lo ta e final di e asunto aki ta bon ekiboca. Awor ta continua e proceso di sigui duna pueblo informacion pa demostra palpablemente cu e asunto aki ta sea ehecuto pa un set di hende BOBO of cu den e asunto aki tin cosnan cu no mag di mira luz di dia y esaki suavemente bisa.

NO ta por nada cierto medio di comunicacion ta proteha y defende interes di AVP pa medio di ‘boicotia’ articulonnan di PPA. Miedo pa pueblo realisa cu PPA ta e partido cu ta presenta e berdad !!! Sinembargo PPA lo continua cu nos lucha pa informa nos pueblo y demostra cu e asunto aki ta hole na corrupcion.

PPA ta keda para riba e rapport di FESCA/CDA cu a conseha partido AVP: “Si bini un di dos molina esaki mester ta man di WEB NV directamente !!! Pakico?? Pasobra ” Si un molina den man priva “Extern beheer” ta sali DOUBBLE e gasto cu un molina bao di WEB NV (eigen beheer)!! PPA a demostra cu na 2010 WEB NV a paga VADER PIET NV un suma di 19.3 miyon florin! Cu e prome kwartaal di 2011 a paga 5.8 miyon florin un crecemento 21 % y e prome kwartaal di 2012 esaki a crece cu 27% y a bira 6.6 miyon florin. Claro esaki lo sigui crece den curso di e 15 aña di e contract. Cu hasta lo wordo aumenta pa 20

aña di contract. Pero si tuma 2012 como e averahe esaki ta nifica cu den 15 aña esaki lo costa pueblo 399 miyon florin. Den 20 aña esaki lo ta 540 miyon y esaki ta minimalmente !! Cu nos tene cuenta cu esaki ta pa DOS parke di molina esaki ta nifica cu pueblo pa medio di WEB NV lo paga MINIMALMENTE un suma di 1080 miyon (hopi mas) na Vader Piet NV. den 20 aña !!! Awor si den caso di e segundo molina esaki tabata den man di WEB NV mes lo por a spaar (minimalmente) 270 miyon florin y e inversion lo ta basta menos tambe. Kico esey kiermen ?? Cu nos mandatarionan, Ministro Presidente Mike Eman y Ministro Mike de Meza wowo pa sirbi interes di kende (?) interes ahenos ta aproba un ‘deal’ cu no solamente lo dañe e bista patras di e kerki na ‘Alto bista’, pero lo dañe salud di hende den e vecindario y lo sali e pueblo uzado di awa y coriente mucho y mucho mas caro. PPA kier muestra algun informacion reciente den Prensa Internacional y riba Internet “BIG WIND: THE MOST CORRUPT AND CORRUPTING INDUSTRY IN THE WORLD !!”

PPA ta cita for di e articulo aki: “The reason the industry is so corrupt is quite simply that without the lies it tells and a matter of course and without the COSY STITCH-UPS IT ARRANGES WITH REGULATORS AND POLITICIANS at tax-payers expenses, it simply would NOT exist. Take the noise regulations which are currently the subject of an enquiry by the institute of Acoustics. The

reason these noise regulations so BADLY NEED RE-EXAMINING is that the original parameters for noise limits were set by people working for the wind industry with a vested interest is making it as easily as possible for wind farms to be built in as many places as possible.”

E ponencia di hopi tempo cu Molinanan di biento NO ta afecta e salud di hende mientras tanto NO ta berdad y e pregunta ta PAKIKO ? PPA ta cita:

WINDFARM NOISE DOES HARM SLEEP AND HEALTH...SAY SCIENTIST ! “Windfarm noise causes “Clear and significant” damage to people’s sleep and mental health, according to the first full peer reviewed scientific study of the problem’s”.

Cu otro palabra e Industria cu ta produci molina di biento a zorg cu nan por a bende/mercadea durante e prome añanan nan producto bao di e pensamiento implementa pa nan Industria poderoso pa expertonan/profesionalmente presenta e mensahe na favor di e industria cu e no ta afecta salud di pueblo. Awendia e ponencia aki NO por wordo mantene SIN mas.. Awendia tanto na Merca como na Europa tin indicacionnan fuerte cu ‘salud di pueblo’ ta na peliger pero ta e lobby poderoso di e industria ta mantene cu politiconan ta cay pa e lobby y no cabe duda e fondo cu e industria etc por ofrece di por tuma decision. P’esey e estudionan (review) awendia ta dunando otro resultado awor cu nan ta wordo ehecuto



Lider di Partido Patriotico Arubano, Sr. Benny Nisbet.

pa expert/profesional cu NO ta sirbi interes di e Industria di Windfarming. P’esey PPA ta tene Ministro Presidente Mike Eman y Ministro di Energia Mike de Meza y e 12 miembro di AVP cu a vota PRO den parlamento mientras cu tin suficiente documentacion cu nan NO tabata tin mester di vota PRO awendia. No PPA ta tene nan responsabel politicamente lo sigui cu nos lucha pa demostra esaki na nos pueblo Arubiano. E Corte aki nos ta yama Corte di Pueblo. E Corte aki nos ta yama Democracia bibo unda AVP a vota contra pa tene p.e. un Referendum y larga pueblo papia. PPA ta bisa na TUR partido cu ta contra esaki ban haci eleccion un referendum den e caso di un bobedad grandi y un posiblemente e corrupcion di siglo. E hues den esaki lo ta pueblo Arubano den e eleccion dilanti porta y despues di esaki si mester manda e caso aki pa Ministerio Publico y Corte anto lo mester haci esaki !! No por

larga mandatarionan burdugu...cu ta abusa cu ‘salud’ di pueblo pa bobedad of pa otro interes (aheno) logra sali clean. NO POR. PPA lo sigui lucha pa BERDAD AKI sali pa pueblo conoce cierto politiconan !! Historia di mundo conoce varios pais unda e partido nobo cu a bini na mando a wordo mira como un partido cu un politica nobo. Pero ora e final a yega y e berdad a wordo pone riba e mesa di pueblo. Historia ta dicta e gobernacion cu tabata na mando cu tabata presenta un politica NOBO cu tabata tin un PR formidabel cu tabata domina prensa y asina e mente di nan pueblo, e berdad a resulta cu nan tabata un grupo di abusado cu e perhudica nan pais lagando nan pais e.o. cu DEBE NACIONAL grandi pa cual e pueblo y e generacionnan mester a paga un prijs hopi caro. PPA ta spera cu Dios larga cu nos pueblo para e resultado aki na Aruba na september proximo pa salba nos pueblo Arubiano. □